



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<15>> սեպտեմբեր 2020թ.

Ո Ր Ո Շ ՈՒ Մ No. 1971-1-Ա

վարչական ակտն ուժը կորցրած ճանաչելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Արման Առաքելյան, քննարկելով ֆիզիկական անձ Տիգրան Կարենի Վարդանյանի վերաբերյալ վարչական վարույթի նյութերը,

Պ Ա Ր Զ Ե Ց Ի

Համաձայն 03.06.2020թ. հարկային պարտավորությունների հաշվարկման վերաբերյալ թիվ 955/2020/ԿՈՒՎ4/Ն տեղեկանքի (տեղեկանքը կցվում է)՝ ֆիզիկական անձ Տիգրան Կարենի Վարդանյանի (ՀՎՀՀ՝ 20093993, ՀՇՀ՝ 2203840072, հասցե՝ ք. Երևան, Բուդաղյան փ. 19 տ.) չկատարված հարկային պարտավորությունը 03.06.2020թ. դրությամբ կազմում է 2.442.240 դրամ, որից ապառք՝ 2.400.000 դրամ, տույժ՝ 42.240 դրամ, որը հաշվարկվել է ֆիզիկական անձի կողմից 2019թ. ձեռնարկատիրական գործունեության առարկա համարվող գույքի օտարման գործարքի իրականացման արդյունքում՝ ՀՀ հարկային օրենսգրքի (այսուհետ՝ Օրենսգրք) 150-րդ հոդվածի 10-րդ մասով և 401-րդ հոդվածով սահմանված կարգով:

Վերոնշյալ պարտավորությունը գանձելու վերաբերյալ 10.07.2020թ. կայացվել է թիվ 1971-Ա որոշումը:

Օրենսգրքի 140-րդ հոդվածի համաձայն՝ ֆիզիկական անձը, հանդիսանալով եկամտային հարկ վճարող, Օրենսգրքի 156-րդ հոդվածի 4-րդ մասի 2-րդ կետի համաձայն՝ պարտավոր է մինչև յուրաքանչյուր հաշվետու ժամանակաշրջանին հաջորդող հարկային տարվա ապրիլի 20-ը ներառյալ Օրենսգրքի 53-րդ հոդվածով սահմանված կարգով հարկային մարմին ներկայացնել Օրենսգրքի 151-րդ հոդվածի 3-րդ մասով սահմանված եկամուտների մասով եկամտային հարկի տարեկան հաշվարկ և վճարել դրա արդյունքում առաջացող հարկային պարտավորությունների գումարը՝ համաձայն Օրենսգրքի 158-րդ հոդվածի 2-րդ մասի 2-րդ կետի:

Հաշվի առնելով այն հանգամանքը, որ թիվ 1971-Ա որոշման կայացումից հետո ֆիզիկական անձ Տիգրան Կարենի Վարդանյանի կողմից ներկայացվել է եկամտային հարկի և սոցիալական վճարի 2019թ. տարեկան հաշվարկ, ուստի առկա են բավարար հիմքեր հարկային պարտավորությունների հաշվարկման վերաբերյալ թիվ 955/2020/ԿՈՒՎ4/Ն տեղեկանքի հիման վրա կայացված թիվ 1971-Ա որոշումն ուժը կորցրած ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 66-րդ հոդվածի 2-րդ մասով՝

Ո Ր Ո Շ Ե Ց Ի

Ֆիզիկական անձ Տիգրան Կարենի Վարդանյանի վերաբերյալ ՀՀ ՊԵԿ իրավաբանական վարչության պետի կողմից 10.07.2020թ. կայացված թիվ 1971-Ա որոշումը ճանաչել ուժը կորցրած:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Ա. ԱՆԱՅԱԿԱՆՅԱՆ

Կատարող՝

Իրավաբանական վարչության հարկադիր գանձման և
պարտավորությունների կատարման ապահովման բաժին

Լուսինե Զարափաչյան

հեռ.՝ 011 549 191 (9168)

ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացու 3,7 Հեռ. +374 60 54 46 57
Կայք՝ www.petekamutner.am Էլ. փոստ՝ secretariat@petekamutner.am